

Skupština Kantona Sarajevo jednoglasno usvojila Izvještaj o poslovanju KJKP „Toplane - Sarajevo“ d.o.o. za 2016.godinu

Na nastavku 33. radne sjednice Skupštine Kantona Sarajevo koja je održana 09.10.2017.godine razmatran je Izvještaj o poslovanju KJKP „Toplane Sarajevo“ d.o.o. za 2016.godinu nakon čega je isti jednoglasno usvojen.

Izvještaj o radu Skupštine Preduzeća kojeg čini Izvještaj o poslovanju KJKP „Toplane – Sarajevo“ d.o.o. za 2016. godinu sa setom finansijskih izvještaja, Izvještaj eksternog revizora o reviziji finansijskih izvještaja, Izvještaj Odbora za reviziju o izvršenoj reviziji finansijskih izvještaja KJKP „Toplane – Sarajevo“ d.o.o., Izvještaj o radu Nadzornog odbora i Izvještaj o radu Odbora za reviziju je prethodno razmatran i usvojen i prihvaćen od strane Odbora za reviziju, Nadzornog odbora, Skupštine Preduzeća kao i Vlade Kantona Sarajevo.

Podsjećamo da su KJKP „Toplane - Sarajevo“ d.o.o. u 2016. godini poslovale sa pozitivnim finansijskim rezultatom što predstavlja značajan uspjeh i rezultat kako zajedničkog napornog rada, angažmana i doprinosa zaposlenika Preduzeća, organa upravljanja i Uprave, tako i rezultat podrške od strane Resornog Ministarstva, te adekvatnih odluka donijetih od strane Vlade Kantona Sarajevo.

KJKP „Toplane - Sarajevo“ d.o.o. su uvjerenja da će se uz dodatni napor zaposlenika Preduzeća, te daljnju podršku Vlade Kantona Sarajevo nastaviti pozitivni trendovi poslovanja do konačne stabilizacije Preduzeća, s ciljem pružanja kvalitetne usluge korisnicima centralnog grijanja na području Kantona Sarajevo.

KJKP «Toplane – Sarajevo» d.o.o.

Sarajevo, 10.10.2017.godine